

施愚山全集

第一函
五十五册

施愚山先生學餘詩集卷之四十四

五言排律

獅子詩擬應制二十四韻

聖朝惟尚德薄海必歸王却貢安殊俗獻珍來遠方遊麟當在野彩鳳鳴岡御
厯兼三重乘時集百祥旅獒誇往事神獸致遐荒問產從烏弋盤山過白狼尾張
逾斗大力勁作虺強雄骨毛辭駁金精色受黃吞貔憑掉舌擊象直穿腸脰挾奔
雷走晴搖駭電光名徵博物志賦賴永興詳踐踏翻林麓羈縻自漢唐皇圖寬覆
載異國勇梯航玩好知無益懷柔道不忘吼聲驚虎殪騰勢想龍翔檻制蠻奴苦
途經西域長天顏時顧盼禁苑命詩章位置分熊館威稜壓豹房依仁靡搏噬
展力窘飛揚驅戰殲犀兕鳴鑾媿驕驕修牙鋸似鋸厚毳密為裳率舞隨天仗馴
心習帝鄉休徵將玉馬靈族又神羊服猛餘鴻畧君看靖海疆

經筵詩擬應制

帝哲多天縱王猷豈性成虞廷心授受說命學分明師傅官僚重詩書智慧生皇
輿真廣大睿慮益澄清省歲銘無逸歌雲許載賡臯夔依黼坐董賈聚神京好古

心何亟防傾氣不盈艱難思稼穡饑渴下弓旌舊史勤紬繹先王是訓行桑林方
應禱竹素重垂情端策陳墳典求言憲老更甘盤懷舊切箕範叙疇精敷奏輸忠
悃咨詢出至誠嘉謨堪補衮霽色洽和羹御几牙籤列仙班玉佩鳴表章追伏鄭
傳註起周程日晡仍留講宸聰莫可名龍門書盛事虎觀辨羣英滄海皆通貢潢
池敢弄兵祇令干羽舞會見泰階平

大駕重幸直北按獵時冬祭後三日恭紀二十韻

太皇太后
時尚溫泉

九廟明禋重初冬爽氣高停鑾纔盟薦出狩又旌旄組纓王良馭珠弓羿氏弑六
龍真逸足三輔舊神皋問寢紆宸幄于田佩寶刀共知勤部勒豈謂騁遊敖霽日
迎仙仗朱霞炤御袍合圍熊館破決中虎賁豪野獲窮山谷弦鳴落羽毛阜雕
雲外盡赤豹檻中啤齒革資軍實豺狼念賊壕是時求俊乂侍衛繼英髦五柞離
宮盛甘泉彩筆操計禽分勇怯講武寓甄陶虞甸爭除道郊圻侍獻醪省方天
藻發涉遠聖躬勞帳殿霜生劍騎營夜屬繁鏡歌簫鼓競宴賞羽林叨漢主誇
宛馬姬書訓旅藝興朝誰諫獵蓄意泰含毫

馮相國萬柳堂二十四韻

不向城東去名園我未諳爭傳雄薊北大好壓江南僻地神京得幽棲相國耽雲霞元爛熳水木復泓涵化枳憎盧橘求仙謝石楠山亭蘿冉冉堤榭柳毵毵五樹陶潛隘千條白傳慚春風真在手野興豈嫌貪灑落疑蓮社清深倍菊潭綠波金縷覆錦石碧烟含溪靜留官舫林間置佛龕揮絃隨一鶴載酒愛雙柑酬唱分題數登臨共客酣樂遊華敢羨吏隱樸盃甘秉軸憂遲暮歸田乞再三靈和稱可愛宣武歎何堪步屨滄洲近書倉秘冊探蓬蒿懷仲蔚弟子邁桓譚騰仕存空索貧交慶盍簪鄉心還海岱莫怪嬾朝參

奉贈宋蓼天大司馬二十韻

廟算封疆靖兵樞社稷憑一人今簡畀九伐必羈騰詞賦英年擅忠貞世緒承石渠初特達畫省遞相乘顧問謨猷進司成俊乂登聖朝崇孝治寶冊頌園陵

詔許羣臣撰爭歸大匠能經營辭慘淡述作義峻嶒山湧豐碑出天垂睿藻

稱禮闈推鑑朗柏府肅霜澄汲黯敷陳切長沙涕淚增霽顏應采納峻秩又頻仍

獨坐官糾劾祥刑帝股肱網開忻浩蕩時以國法在寓哀矜半歲遷何數諸卿得恩肆赦

未曾位高勤夙夜責重凜淵冰幃幄籌師旅苔岑洽友朋憐才心若渴招客酒如

澠時事詩書緩軍儲日夜徵折衝樽俎計會見不模稜

愴園詩為健菴編修作

不勞多結構竟日足躋攀隔縣通晏水閉門收玉山荷風清簟外竹日曲欄間繞
閣雲長住近人鷗不還花繁在藥圃心遠鍵松關覓徑青林入題詩錦石斑書編
隨坐卧朋舊散襟顏只恐金閨客棲遲未許閒

哭顥亭少司農

頭白期相見悲來斷客腸斯文失祭酒吾道共霑裳豈龍蛇值人推麟鳳祥冲
襟含岳瀆峻望潔圭璋君提南宮日余陪西署郎定交元杵回卜夜屢壺觴僞肸
真聯絡應劉並顥顥謂丁飛濤陳胤情投書專史局珥筆主詞場七子詩標舉千秋興激

昂移官喉舌寄補闕股肱良視草青黎火彈文白簡霜臨觀雄岱鄒魯入宮墻
決歲三遷亟殊才特典章溫言承黼坐謹議動巖廊掌憲平反苦司農會計長邊
隅初蠹動禁旅驟騰驤清霰嚴絲粒經營薄孔桑時艱資道濟神痺恃身強仙骨
將遺蛻台星遽掄芒帝心虛倚畀府事缺劬劬詰冑違含飴杜掌侍御親交憶慨慷
厯官無長物急友肯多方垂訣還留疏殘吟剩滿牀多情偏好我遠道獨相望尺

素嗟離索三生恨渺茫

客冬見杜詩札

商飈寒實籜旅櫬遠還鄉亮采公卿痛清流

亡聖湖看慘淡天目少輝光繼武紛簪紱將雛盡鳳皇鴻名堪不死藝苑豈全荒
褒卹恩知重凋零道可傷哀歌當薤露雙袖涕浪浪

陳母張太夫人輓詩

學士說嚴先生母也

良臣為國重保訓本家成不有徽柔德何由俊彥生母儀今絕少壹範痛難名書
受班姬誠才同謝韞鳴深閨愛彤管雜珮尚瓊瑩佐餽晨昏事聞難昧旦情鴻妻
方婉婉驥子早崢嶸正色胎存教傳經手課程何煩機杼斷時挽鹿車行羣盜曾
攻堡夫人竟作城劄勸明大義巾幗佐英聲宜羨牀堆笏羞稱金滿籬身膺翟氏
貴養謝板輿迎性是簪蒿儉官因却鮐清起居誇矍鑠職事厲忠貞豈謂劬勞久
俄令疾病并薨我腸斷絕風木淚縱橫慰諭來中使咨嗟出至誠朝廷崇孝治
生死備哀榮綸綍新恩錫時進封淑人杯圈舊恨盈凍雲淒總帳積雪灑銘旌永訣違
含飢堅留實 聖明美應鍾郝並賢與孟陶爭史氏誰為傳憑將報九京

官軍連收岳陽長沙諸郡恭賦二十韻

廟算稱神武王師戒驛騷親藩分虎節幕府握龍韜頻接荆襄檄全清江漢濤飲

波馳萬騎下瀨奮千艘陣合連蠻徵圍長鎗賊濠中權揮扇定勁卒壓城挑破壘
猶吹鐸擐旗等刈蒿洞庭鯨盡駭衡岳獸俱逃威命尊黃鉞驍騰避白袍迸雷轟
礮火漂杵濺弓刀夢澤投鞭斷君山積甲高倒戈方懾服繫頸尚哀號戰馬歸天
廐軍裝付鎧曹猷矜元老壯凱秦欽飛豪指顧成安堵歡呼各獻醪勢超巫峽蹙
關失劍門牢恃險先亡述追奔共殪湍消除還爾貸浩蕩豈重遭乘勝如摧朽長
驅入不毛誓將餘醜滅宵使 聖躬勞

蠲賑災民

帝德歌風動王猷懋日躋憫時頻減膳耕籍每扶犁荒政蠲田賦軍儲急鼓鞞何
當分內帑特遣恤遺黎滄海嗟無歲黃河舊決堤炊烟寒不舉部屋遠含悽饑醫
榆皮盡愁看鵠面薰林空難捕雀野曠絕鳴雞莫罄監門繪誰憐轉壑迷 聖恩
肥土域羣望惻雲霓疾苦朝聞告金錢夕已齋免租猶恐後命使冒教稽 天語
頒螭陛星馳迅馬蹄閭閻親閱歷羸弱喜提攜塵甑欣重饗哀顏勉杖藜澤敷青
豫徧懽祝岱嵩齊幾處留孤稚荒村救寡妻人從垂死活感極失聲啼積淚紆長
楚餘生待麥畦有君真覆載思服訖東西

上巳修禊應制

虞書傳出狩夏諠望時巡露布宣威武宵衣懃苦辛鑿於乘麗日象輅動靈辰快
覩龍顏近欣逢天氣新祓除遵洛水選勝向河濱捧劍金人出登山玉輦頻永
和還盛會元巳正芳春睿藻雲霞爛澄觀魚鳥親西池懽駐蹕南苑看垂綸每憶
華林射應瞻白馬神繁花依講幄綠柳映扶輪舊簡班揚侍旁徵黃綺臣玷名勞
館閣飛檄到松筠顧問慚三篋盤餐溢八珍恩波霑草野仙樂聽韶鈞扈從千官
集遊教萬福臻握蘭沿曲渚浮棗漾青蘋東哲談永賞張華論絕塵禊堂初授簡
學海恐迷津聖主收葑菲塗歌獻紫宸

召試體仁閣下恭紀

帝擅知人哲天寬籲俊塗山川昭瑞應麟鳳耀高衢綸綍旁求急弓旌曠典殊三
公勤啟事百執共噓枯出處咸推轂升沉許合符庭咨兼岳牧物色徧江湖雄麗
收文士淵通問宿儒賡歌懷喜起射策笑糴糊筆札鄒枚出賢良董賈俱俳優吾
豈敢經術世還須檄下王程促星馳驛路紆烟霞時有癖箕賴未容通照室珠璣
揜連城玉必沽璽書彌愜惻芒屨孰踟蹰試可憑敷奏明揚定喘俞卿雲飛玉

几旭景照金鋪寶鼎詩重作燕山銘詎孤觀遊誇羽獵研練比京都公等來何晚
羣臣召則趨 天顏真咫尺日晷迅須臾虎觀誰同異龍門信有無裁成歸大冶
采擇辨嘉謨擊缶慚餘響雕蟲劣小巫 九重不自聖一得也輸愚扈從森仙仗
壺漿出御厨螭庭紛琬琰鮫窟拔珊瑚簪紱瀛洲選梯航王會圖安邊看利劍報
德忖恩珠文治元根本民艱尚嘒嘒披鱗能曲貸伏闕擬重敷

省耕詩

三月初一日太
和殿御試

農事崇開國幽風紀授時供輸仍禹貢宵旰甚堯咨耕籍親扶耒祈年恪奉祠軍
儲急壤賦 帝德軫民饑遜志銘無逸省方樂有為郊圻根本計豐稔太平期土
鼓歆田祖帷宮命甸師輕陰將霖霖淑景正繁滋修禊靈辰近乘春令節宜雞人
傳象輅虎旅扈龍旗霧合千官列雷鳴萬騎隨良疇真錯繡厚獲祝如坻傍輦祥
颺動停鑾解澤垂親承 天語勸敢使歲功遵原隰應胥墾耕耘莫憚疲種元
獻種穀米定流脂 睿藻雲霞爛仁心魚鳥知鸞旂歡野老家冕映茅茨屢下蠲
祖詔重陳多稼詩飽騰資捷伐皇路會清彝

贈李梅崖

相逢燕市語如傍玉山行氣挾詩書靜心涵冰雪清從龍元特出繡虎早長鳴價
與金臺重燈分藜火明借才來粉署列秩領春卿手自排緗帙茶親洗石鐙篇章
思慘淡典則議崢嶸舊作風騷入新硯模楷成騫騰爭一顧欵懇到諸生省事延
孤賞冲襟出至誠白圭寧受玷歆器必防盈許客鈔殘草橫經對短檠流風供奉
在泛愛鄭莊情笑我真牽率中懷為漫傾

寄王山農侍御是年七十

海內同年友相看我輩存老成不易得耆碩更堪論惜別星霜速投閒道業尊燕
臺歡並轡鳳德羨孤騫出使星軺遠徵材竹箭蕃分曹森武庫濡翰倒詞源繡斧
推清譽彤庭數直言誰知懷子舍俄復夢丘園鳩杖怡黃髮鱸魚引綠樽九峰陪
左右羣玉列兒孫鮑馭還驄馬龐妻共鹿門才名三子競祿養兩朝恩媿此車
塵裏思君桂樹根馳情歌一曲餘興到江村

贈徐大中丞

黃閣分猷久烏臺獨坐專論思能浴日抗疏竟回天義直羣僚肅風清萬口傳兵
荒勞轉側海嶠仰生全戢暴氷霜重憐才雨露偏小心真比髮鴻筆大如椽述作

凌陶謝編摹嗣董遷連枝皆史闕異數復經筵正學星辰列英詞河漢懸素交深吐握後進入陶甄哀疾安迂鈍吹噓荷接聯臨岐重惆悵牽率忝詩篇

仁孝 孝昭兩皇后梓宮自沙河往葬山陵恭送紀事二十韻

二后靈輿發春郊帳殿成園陵悲遠道車駕出嚴城幽餞頻將享前驅早計程賞頒周僕馭

時賜去役人各一金

警衛擁神兵七校聯鑣靜千官按轡行荒村紛馬跡野雀避

人聲借榻蓬茅貴謀炊井竈爭幕帷環霧合燈火燦星明隱几紫宵夢聞雞候曉征威儀墻翬盛御路水雲平鷁鷺排川甸旌旗接玉京愁凝雙輦重哀動萬山鳴任奴追遺範皇英軫睿情孝能嫺內則柔並叶坤貞逮下常多恕持謙每戒盈嬪妃餘涕淚嶽瀆應精誠塵淨微沾雨風徐早送晴策文鐫慘惻祠寢肅經營禮葬輕珠貝和鑾想珮珩 聖躬勞不惜嗟此極恩榮

贈俞佺廬中丞

賦重東南地時需節鉞臣 帝心元簡在廷論協諮詢維楚多才彥於公見偉人摛詞真奪錦筮仕舊宜民茂績頻推最冲襟迥絕塵抗言直似矢決策動如神諫議資帷幄平裁領縉紳崇階猶轉轂遷秩不淹晨獨坐雄烏府溫綸出紫宸寵頒

天上至睿命膝前申控制江湖大沾濡股肱親銜恩心感動誓報語酸辛治亂看
褒斥安危慎笑顰清風嚴拔薤惠澤起枯鱗搏擊憑鷹鷂光輝自鳳麟鼠狐皆屏
跡箕斗豈嗟貧嘯咏間中事鄒枚幕下賓吳趨將挽薄南服盡歸仁按部輿情洽
憐才士氣振懸知冰雪後歌舞遇陽春

壽方太夫人

有母稱邦媛徽音與世殊生來謝庭女嫁得伯鸞夫忠孝元家法乾坤忽鼎湖烽
烟埋白日逋客走蒼梧負戴從偕隱分離總畏途覆巢無破卵垂翅自將雛避地
甘荒嶠潛身裏敝襦播遷經五嶺風雨抱三珠課讀親丸膽謀生任辟廬時危曾
到粵亂定復還吳節並共班勁名兼鍾郝俱能書矜筆墨提甕習勤劬聖善人皆
頌艱貞世所無閒心安梵唄晚計饌伊蒲菽水歡能養杼機義不渝到今垂鶴髮
鳩杖未須扶

宋司馬拜冢宰同人屬和

一代聲華最諸卿領袖雄才元耀鸞鳳官舊統熊羆廟算敷文治邊籌奏武功佇
看澄百職特進冠羣公玉尺銓除裏冰心藻鑑中清通見裴楷簡要復王戎饋餉

門無受推賢意不窮高談風月靜主計紀綱崇獨坐曾烏府儀型在辟雍兼才稱
具美峻秩許誰同鎖院春陰滿經筵寵眷隆龍門忻接近賦頌忝難工

送孫如齋編修冊封安南

炎漢南交地陳黎角闕場一人稱有道四海盡歸王寵使朱衣貴恩綸御墨
香居然盟帶礪恪爾奉珪璋負弩諸侯肅乘軒萬里長中途變寒暑絕域異烟霜
水厯昆明外山臨勾漏旁羽毛看翡翠宴會饗檳榔陳蹟瞻銅柱珍禽獻越裳多
才重孫楚二妙得周郎時儀部周星公全行獐獮隨騶御珊瑚製筆牀含毫元侍從憑軾足
篇章遲日和風送王程春草芳飛揚邁邛笮省觀過衡陽太夫人時在長衡陽官舍不費相
如檄還餘陸賈裝遐方修職貢每歲走梯航

施愚山先生學餘詩集卷之四十四終

施愚山先生學餘詩集卷之四十五

七言排律

西湖醉後酬李宗伯

南昌人為楚藩儀賓所居在藩府中曰閨苑藏書數萬卷被兵後僑寓西泠蓄善歌者與湖上耆舊為香山社

先生七十更無求，筇杖芒鞋汗漫游。
愛我清吟頻勸酒，接君片語坐消憂。
文章輝赫傳三殿，池館蒼茫到十洲。
屢謁承明勤獻納，敢言金馬寄沈浮。
交游海內鄒枚在，圖史人間蚪蚪收。
多難悲歌餘四壁，殘生潦倒一孤舟。
龍門舊識存桃李，豐劍寒光照斗牛。
遶砌種蘭真九畹，數椽臨水是層樓。
春風舞袖銀箏弄，夜月歡筵鐵笛秋。
坐上論文揮麈尾，花前覓醉解貂裘。
香山結社身偏健，閨苑思歸興未休。
李郭同時良不易，看雲湖上重淹留。

臨江答耦長次韻

謝李高吟久寂寞，都官獨擅宛陵詩。
忽驚鸞鳳生丹穴，又見神龍出故池。
陸子才華入洛日，終童卓犖棄繻時。
閒居亭閣江山助，絕調騷歌氣候移。
薦賦羞尋楊得意，憐才恨少魏無知。
短衣射虎成何計，抱膝橫琴聊爾為。
石室藏書家自富，滄洲秃筆興忘疲。
登樓獨嘯青天月，入座人推玉樹枝。
苦學三餘雌霓識，素心十載白

雲期波瀾自許陳思敵意氣誰呼德祖兒策杖風泉廬嶽頂挂帆烟雨楚江涯官齋地靜看鷗狎野寺吟多把酒遲散帶臨溪開北牖沈瓜浮李續南皮疎狂却憶高生老白眼東西何所之

謂阮懷

清明前一日經水東聞衆尋桃花沿溪紅數里恨不果往

在宣城東南港口有龍窟土人言陰

雨時聞
鼓樂聲

江城伏枕動淹旬細草天寒綠未勻昨夜東風何造次老夫策杖太逡巡谿邊好鳥要人語谷口閒雲傍客身浦接桃源花夾路山連龍窟地無塵釣天樂奏靈湫底濯錦波明曲水濱已辦青錢拚一往忍教紅樹阻相親中年哀樂登臨嬾比歲西南斥堠頻苦惜良辰誰共酒飽經多難可憐春平生不分愁如霧明歲應添髻似銀古墓烏啼垂柳外斜陽偏照獨歸人

太皇太后幸遵化溫泉

大駕侍從恭紀二十韻

兩宮聖善重禧日

五位晨昏侍膳年鸞輅和鳴游勝地龍旂侍從幸靈泉才人

列騎威儀肅仙仗千官擁衛全湯谷倒輸蒸日月素山回令暖雲烟飛來姑射從

天上涌出瑤池在日邊密邇神皋猶禁苑久晴霜候當春天一泓感沸如潮溢半
畝冲融似火然沿浦曲房嬪御滿臨流帳殿起居便湘妃出舞迎環珮海若趨承
捧翠鈿丹鳳沼中馮鹽漱赤龍川畔恣盤旋波恬早覺輕寒散濯久潛驅宿疾蠲
懽動慈顏留汗漫坐沾香霧弄潺湲寢門數問勤天語珍饌頻移接御筵預救
行厨齋玉粒肯煩屬邑費金錢洗頭華嶽盆何在取石銀河興眇然珠獻蛟人紛
上下旌麾玉女暗聯翩被除有喜坤維奠奉養無方孝治傳不數驪山汗粉澤羞
稱汝水漫流連朱砂礬石誰能辨暖液溫濤洵可憐稍待九霄回輦後掖庭還奏
祝釐篇

施愚山先生學餘詩集卷之四十五終